

پطرس اور شلیم کلیسا رہ گزارش دہہ

۱ رسولان و براران ایمانداری کی یہودیہ ایسہ بید، بیشنوستیدی کی غیر یہودیانم بہ خودا کلام ایمان باوردیدی. ۲ وختی پطرس واگردستہ اورشلیم، ایمانداران کی ختنہ بوبوستہ بید اصرار داشتیدی غیر یہودیانم ختنہ ببید. اوشان پطرس امرأ بحث و گفتگو بوکودیدی و بوگفتیدی: ۳ «چوطو بتانستی بیشی مردا کان خانہ یی کی ختنہ نوبوستیدی و اوشان امرأ همسفرہ بیبی؟» ۴ پطرس توما ماجرای جہ اول، اوشان رہ تعریف بوکودہ و بوگفتہ: ۵ «من شہر یافا میان دوعا کودن دوبوم کی رویا میان بیدم ایتا پیلہ سفرہ بوقچہ مانستن کی جہ چہار گوشہ آویزان بو آسمان جا بیجیر بمو، فارسہ می ورجہ. ۶ او سفرہ دورون، چہارپایان و جانوران و خزندہیان و پزندہیان آسمان بیدم ۷ و صدایی بیشنوستم کی مر گفتی: (ای پطرس، ویریز، اوشان سر وین و بوخور.) ۸ «جواب بدم: (ہرگز خوداوند، من ہیچ وخت ایچی کی حرام یا نجست بہہ نوخوردم.)

۹ دووارہ آسمان جا ندا بمو کی: (ہرچی خودا پاک بوکودہ، تو نجست نوکون.) ۱۰ سوّم مرتبہ تکرار بوبوستہ و ہو دم سفرہ بوشو آسمان جور.

۱۱ «ہو وخت سہ نفر کی جہ قیصریہ می ورجہ اوسہ کودہ بید، بموید او خانہ میان کی من ایسہ بوم. ۱۲ روح القدس مر بوگفتہ کی وا او سہ نفر امرأ بشم و شک نوکونم. امانم واگردستیم، بمویم گرنلیوس خانہ میان و اشیش نفر ایمانداران کی

یافا شین بید امی امرأ بموییدی. ۱۳ اون امره تعریف بوکوده کی چوطو خو خانه میان فرشتهی بیده کی اون بوگفته: (چند نفر اوسه کون، بیشید یافا و شمعون کی اون (پطرس) دوخوانیدی، آیه باورید. ۱۴ اون پیغامی تره آورہ کی تر و تومامی اوشانی کی تی خانه میان زندگی کونیدی نجات دهه.)

۱۵ «وختی شروع به گب زئن در مورد نجات جہ طریق عیسی مسیح بوکودم، اوشان روح القدس دریافت بوکودیدی، اوجور کی امان پیشتر روح القدس فیگفته بیم ۱۶ و من خوداوند کلام به یاد باوردم کی بفرماسته بو: (یحیی اب امرأ تعمید دی ولی شومان به روح القدس تعمید گیریدی.) ۱۷ اگہ خودا هو عطای اوشان ببخشه، کی بعد امی ایمان آوردن به عیسای مسیح خوداوند، امر فده، پس من کیسم کی بتانم خودا کار جولوی بیگیرم؟»

۱۸ وختی ایمانداران یهودی آگبان بیشنوستیدی، آرام بوستیدی، خودا نام جلال بدیدی و بوگفتیدی: «راس راسی کی خودا توبهی حیات بخش غیر یهودیان ره هدیه بوکوده!»

انطاکیه کلیسا

۱۹ بعد اونکی استیفان سنگسار بوکودیدی، ایمانداران شکنجه و آزارم شروع بو بوسته بو، جہ خاطر ایمانداران پخش و پلا بو بوستید و به فینیقیه و قبرس و انطاکیه بو شویدی و خودا کلام جز یهودیان هیکس دیگر بشارت ندیدی. ۲۰ ولی اوشان میان، مردا کانی جہ قبرس و قیروان ایسه بید کی وختی به انطاکیه

فأرسه ییدی، بوشوییدی غیریهودیآن ورجه و اوشآن ره بشارت بدیدی کی ایسه.
۲۱ خوداونڈ دسم اوشآن امرأ بو و تعداد زیادی ایمان بأوردیدی و خوداونڈ طرف
بموییدی.

۲۲ وختی آ خبر به اورشلیم ایمانداران فارسه، اوشآن برنابای اوسه کودیدی کی
بشه انطاکیه. ۲۳ وختی اویه فارسه و نجات ایمانداران کی جہ خودا فیض بو، بیده
خوشحال بوسته و اوشآن تشویق بوکوده کی تومام دیل و جان امرأ به خوداونڈ
عیسی مسیح وفادار بمأنید. ۲۴ چونکی ایتا مرد نیکوکار و خودا ترس بو و پُری
روح القدس داشتی، مردومان زیادی اون بشارت امرأ به خوداونڈ ایمان بأوردیدی.
۲۵ بزین برنابا جہ اویه راه دکفته، بوشو تارسوس شهر میانی کی شائول پیدا
بوکونه. ۲۶ وختی شائول پیدا کوده، اون خو امرأ بأورده انطاکیه. اوشآن اویه یک
سال تومام ایمانداران زیادی تعلیم بدیدی. انطاکیه شهر میانی بو کی اولی مرتبه
پیروان عیسای خوداونڈ «مسیحی» دوخوآدیدی.

۲۷ او روزان، چند نفر ایمانداری کی عطایای نبوت داشتیدی جہ اورشلیم
بموییدی انطاکیه. ۲۸ اینفر جہ اوشآن کی آگابوس نام داشتی، ویریشته و
روح القدس الهام امرأ، ایتا پیلہ قحطی پیشگویی بوکوده کی روم سرزمین میانی
ایتفاق دکفتی. آ قحطی کلودیوس حکومت زمان رخ بده. ۲۹ ایمانداران تصمیم
بیگفتیدی کی هر کی خودش بضاعت امرأ مسیحیان ساکن یهودیه ره کومک
روانه کونید. ۳۰ پس آ کار بوکودیدی و هدایایی برنابا و شائول دس فدیدی تا
اوشانم اورشلیم کلیسا مشایخ فدید.